



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philippi Labbei Bitvrici Societatis Iesv Presbyteri, Nova Bibliotheca Mss. Librorvm, Sive Specimen Antiqvarvm Lectiovm Latinarvm Et Græcarvm

Labbé, Philippe

Parisiis, 1653

Sectio septima. Quæ Ad Ius Canonicum & Ciuile, 51. 52. 53. 54. 55.

urn:nbn:de:hbz:466:1-13263

nam, eósq̄ue non exiguo numero, de quibus suo loco.
 MAVRI de Vrinis & Haly phlebotomia in cod. Regio 2068.
 Antidotarium vetus. Ex codice Regio 1270.
 De Mineralibus libri duo in codice Regio 492.
 Opusculum de Piscibus & de Virtutibus Gemmarum & Mineralium. Ex codicibus Bibliothecæ Thuanae 559. & 605.
 Medicinæ secreta & experimenta varia de plantis, de febribus, de Chiromantia, &c. In codice Regio 587.
 Lexica seu Glossaria Medica. Ex varijs codicibus Regijs, present. m 145. & 190. vbi de phlebotomia ex libro Syriaco, remedia, a' iaque plura, quæ non licuit in prima hac editione distinctiùs enucleare.
 Supplementum nostrum longè plures exhibebit Auctores Medicos Latinos Græcósque ex Catalogo librorum mss. Bibliothecæ V. C. Renati Moræi Doctoris Medici Parisiensis, quem cum hac essent sub prælo, nacti sumus.

SECTIO SEPTIMA.

Quæ ad Ius Canonicum & Ciuile.

M. IOANNIS Nouiomenfis in Decretum Annotationes.
 Ex codice mss.

IOANNIS Hispani lectura super Decretalibus. Ex codice Thuano 162.

Compilatio Decretorum per Laborantem Cardinalem sanctæ Mariæ trans Tyberim ad Petrum Præsulem Pampilonæ, perfecta iuxta annotationem anno Christi 1182 vltima die Aprilis. Ex mss. Basil. s. P. in quo eiusdem Laborantis opus ad Maionem Magnum Sicilia Admiratum de iusti & iustitiæ rationibus, &c. eiusdem ad Hugonem Panormitanum Episcopum Epistola de vera libertate & de alijs; nec non epistola Viuanij Cardinalis ad Laborantem de Appellatione, & summa de Titulis Decretalium, edita ab Archiepiscopo Ebredunensi.

Viderat R. P. Iacobus Sirmondus in codice S. Mariæ Virdu-nensis Collectionem Canonum diuisam in partes duodecim, quarum singula post Canonum & Decretalium capita habent additiones partim ex Registro Gregorii, tum ex Lege Romana. Præfatio. Domino magnifico vigilantissimo Pastori ac præcellentissimo Archipræsuli Anselmo, ego minima gregis ipsius ouicula, & peculiari quodammodo vernula, Pontificale decus & inenarrabile meritum vobis sedulus imprecor. Laudabilis pro-

uidentia vestra præferendum, inclyte Pastor, acumen, Ecclesiasticis vtilitatibus proinde ac solerter prospiciens, &c.

Prima pars de primatu Romanæ sedis, &c. cap. p. 133.

Secunda de honore competenti & diuerso negotio Episcoporum, capp. 307.

Tertia de Synodo celebranda, &c. cap. 252.

Quarta de congruenti dignitate & diuerso negotio, &c. cap. 181.

Quinta de Clericorum institutione ac nutrimento, &c. cap. 205.

Sexta de proposito Monachorum & professione Sanctimonialium cap. 141.

Septima de Laicis, Imperatoribus, Principibus, &c.

Octaua de norma Fidei Christianæ & gratiâ Christi, ac mandatorum executione cap. 75.

Nona de Sacramento Baptismatis & Baptizandis cap. 63.

Decima de Templorum Diuinorum institutione & cultu ac prædiis cap. 148.

Vndecima de solemnitate Paschali & reliquis Festiuitatibus cap. 43.

Duodecima de Hæreticis, Schismaticis, Iudæis, &c. cap. 84.

Iussu Domini Heimonis Episcopi Virdunensis scripsit & absoluit Rodulfus anno Incarnationis Dominicæ MVM. Indictione VII. x. Kalendas Aprilis regnante Heinrico Rege in regno Hlotharij.

Incidimus & nos in complures eiusmodi Collectiones Canonum, Conciliorum ac Decretalium: atque vt omittam dicere de ea quam nuper inspexi in Bibliothecâ Naudæanâ, V. C. Sebastianus Hardy in Præfectura Parisiensi Senator integerrimus atque omnigenæ eruditionis laude præcellens vetustum possidet codicem membranaceum regnante Carolo Magno ante annos octingentos descriptum, in quo præter Conciliorum Orientalium & Gallicanarum Synodorum Canones, Romanorumque Pontificum probatas Decretales, quamplurima continentur, de quibus aliàs dicendum erit.

M. RAYMUNDI summa quando pœnitens remitti debeat ad superiorem. *Ex codice 412. eiusdem sæpe citatæ Bibliothecæ Thuane.*

Vocabularium Iuris Canonici auctore F. Martino Ordinis Prædicatorum Papæ Pœnitentiario & Capellano. *Ex codice Regio 1957.* in quo etiam habentur Constitutiones G. Sabinensis Episcopi Cardinalis in Sicilia Legati Apostolici sub Martino IV. summo Pontifice.

Ordo iudiciarius in Foro Ecclesiæ editus per Magistrum Agidium

dium de Fossariis vel Fularis Ciuem Bononiensem & Decretorum Doctorem. *Ex codice 24. V. C. Gabrielis Naudai.*

IOANNIS de Bononia summa Tabellionatus officij secundum formam Curia Romana. *Ex codice mss.*

DOMINICI Dominici summa secundum quam Archiepiscoporum & Episcoporum Notarij debeant officium exercere. *Ex codice mss.*

Glossa in libros tres posteriores Codicis Iustiniani. *Ex codice Regio 163. & in varios titulos Iuris Canonici ex 1116. in quo & Officiorum varia appellationes.*

PETRI disertissimi Viri Exceptiones Legum Romanarum libris quatuor ad Odilonem Ciuitatis Florentinae Magistrum. *Ex codice Regio 1817.*

TANCREDI summa de sponsalibus & de testibus *Ex codice Regio 1116.*

FRANCISCI de Luchanis Parmensis liber de Iustitia. *Ex codice Regio 1837.*

Formulae Forenses Latino Gallicoque idiomate secundum veterem stylum Curia Galliarum. *Ex codice Naudaeanae Bibliothecae.*

Ex indice librorum mss. *Bibliotheca Ecclesiae sine Capituli Beatae Mariae Carnotensis*, nonnulla huc addam variorum scripta, quae Lectori, ut spero non erunt iniucunda, licet quaedam ex iis forte iam fuerint typis excusa.

Collectio diuersarum literarum, formarum ac processuum secundum stylum Curia Romana: sic incipit: Exhortatio ad Soldanum ut suscipiat fidem Christi: Alexander Episcopus seruus seruorum Dei magnifico viro Soldano Persarum veritatem agnoscere & agnitam custodire, &c.

Tractatus utilis super totum officium Missae editus & compositus per fratrem B. de Parentinis Ordinis Praedicatorum Prouinciae Tolosanae, sicut legitur in Albia praesentibus pluribus Doctoribus & Canonicis anno Domini 1339. & incipit Feria quinta post Cineres.

Diadema siue de arte Notariae ac Tabellionatus, auctore Magistro Rollandino cum glossis.

Sacramentale Magistri Guillelmi de Monte Landino Doctoris Decretorum in 4. & in folio.

Summa Magistri Geofredi super titulos Decretalium.

Distinctiones Ioannis Bohic Iuris vtriusque Doctoris super libros quinque Decretalium.

Summula Ioannis Andreae, & alia eius opera.

Ioannis Monachi & Guidonis de Bayfio Apparatus in Sextum Decretalium.

Ioffelini de Cassanis Apparatus in Clementinas.

Liber Reynfredi de Iure Canonico.

Tabulæ Iuris Civilis & Canonici, cum additionibus Ioannis Alaniani.

Summa Magistri Ioannis de Blanafo Burgundionis Legum Doctoris.

Lectura Domini de Pistorio super Codicem.

Bernardi Compstellani apostillæ in Codicem & Digestum.

In eadem Bibliotheca librorum mss. Ecclesiæ B. Mariæ Carnotensis quatuor sunt volumina in folio calamo exarata, in quibus multa opera habentur Magistri Guillelmi Aruerni, Parisiensis Episcopi, quæ à viro aliquo erudito cum exculis conferenda essent, antequàm suscipiatur operum omnium eiusdem subtilissimi Doctoris ac sanctissimi Præfulis quæ parari dicitur editio Parisiensibus aut Lugdunensibus typis.

In primo liber de anima, liber de Rhetorica & oratione Divina, de pœnitentia, de collatione Beneficiorum, & Tractatus particularis de immortalitate animæ.

In secundo eiusdem Guillelmi summa.

In tertio liber de Trinitate, liber de vniuerso, & tractatus, cur Deus homo.

In quarto liber de Fide & Legibus, de Sacramentis, de virtutibus & vitiis.

Nec omitienda, quamuis aliò spectare videantur.

Historia Magistri Ioannis Turonensis in folio.

Guidonis de Colūna Messanensis Historia Destructionis Troie.

Tria aut quatuor Martyrologia, & libri plures in quibus SS. vita & Martyrum acta.

Regula Canoniorum pluteo septimo ad sinistram.

Glossarium Latinum optimæ notæ.

Marciani Minucij Felicis Capellæ Afri Carthaginensis opera bis aut ter.

Martini iunioris Geometria, Canones, Tabulæ, &c.

Orbafius maiusculis litteris.

Alexander Iatrosophista optimæ notæ.

Liber Serapionis de simplicibus ex Arabico in Latinum.

Turgianus in Galenum.

Ioannitii Isagoga in Galenum, Viaticum cum commento, &c. ad Medicam artem spectantia.

Accedet denique Registrum omnium librorum Librariæ Domini nostri Papæ distinctum per tabulas compositas iuxta serenitatem & aptitudinem intellectus sanctissimi ac Beatissimi Domini Rogerii de Bello-Forti, sola Dei clementia Gregorij Papæ XI. anno Domini 1375. sui Pontificatus anno quinto, scriptum per fratrem Petrum Amelii de Benaco, &c. quæ habentur in codice *Naudæano*.

